



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus IX. De Renuntiatione.

[urn:nbn:de:hbz:466:1-63440](#)

in ornamentis Pontificalibus obiri solent, uti confidere Chrisma, dedicare Ecclesias, consecrare Episcopos, ordinare Clericos &c. c. 28. *S. prae-rea de Elect.*

4 Dico 3. Papa uti Palliō potest ubique per totam Christianitatem, & quovis die, si velit. c. 4. h. t. econtra Archiepiscopis & aliis, jus Pallii habentibus, ejus usus non conceditur ubique & semper, sed tantum in suis Ecclesiis & inter Missarum solennia, certisque tantum diebus, nempe solennibus. c. 1. 4. 5. 6. & fin. h. t. can. 8. d. 100. Ratio disparitatis est, quod Pontifex in totam Christianitatem ubique obtineat jurisdictionem illimitatam, ac ubique & semper ipsi incumbat officium & sollicitudo pastoralis, cuius signum & actus est usus Pallii; inferiores autem solum vocati sint in partem sollicitudinis, non in plenitudinem potestatis. c. 4. cit. & pro suis tantum Ecclesiis jurisdictione instructi, nec eam obtineant in Ecclesiis exemptis suarum provinciarum vel diocesum.

TITULUS IX.

De Renuntiatione.

SUMMARIUM.

1. *Quid & quotuplex sit Renuntiatio.*
2. *A quo fieri possit.*
3. 4. 5. 6. *Et qualis esse debeat.*

Sicut

Sicut renuntiatio (resignatio, abdicatio, cesso &c) in genere est libera & spontanea alicujus juris dimissio, ita huic loco accommodatè est libera ac spontanea dimissio juris, quod quis habet in vel ad Prælaturam, dignitatem, vel beneficium Ecclesiasticum. Alia dicitur *Tacita*, quando nempe aliquis vel assumit statum cum beneficio &c. incompossibilem, ut si beneficiatus in Minoribus constitutus contrahiat Matrimonium, vel ponit actum, ex quo Jura præsumunt animum renuntiandi, aut ipso facto inducunt privationem beneficij. *Expressa* alia, quæ sit verbis expressis, vel per scripturam: quæ iterum duplex est: *simplex* seu *pura*, quando sine omni adjecta conditione, pactione, aut modo resignatur beneficium: & *conditionalis*, cui nempe adiicitur conditio, pactum, vel modus, v. g. *si*, vel *ut* beneficium dimissum conferatur certæ personæ, & hæc dicitur renuntiatio *in favorem*: vel *ut* ex illo solvatur certa pensio resignanti aut alteri, & hæc appellatur *reservatio fructuum*: vel *ut* alter mihi vicissim resignet suum beneficium, & hæc vocatur *resignatio ex causa permutationis*.

Dico I. quamvis per se quilibet possit, renuntiare beneficium suo tam conditionatè, quam pure. *perc. 12. de for. comp. c. 16. & 23. de Regular.* Infirmitas tamen (imò & sanus) invalidè renuntiat, si renuntians non 20. dies supervivat. Ita enim habet *Regula 18. Cancellariæ* (quæ vocatur *Regula de viginti*) & praxis Curiæ Romanæ. Dies autem illi computari debent à die, quo Superior legitimus acceptavit resignationem. Si tamen beneficium esset patronatum, electivum, reserva-

Pars I.

K

tum

tum Papæ, vel litigiosum, opus foret, si quis resignare vellet in favorem certæ personæ, consensit Patroni, eligentium, Pontificis, aut resignatio in favorem collitigantis fieri deberet.

3 Dico 2. Resignatio non tantum debet esse libera; cum nemo sine propria voluntate (nisi Jun vel Superior cogat) amittat res vel jura sua: sed etiam spontanea, h. e. metu gravi injustè incusio non extorta. c. 3. 4. de his quæ vi. c. 5. h. t. Quia verò metus hujusmodi non tollit penitus libertatem, licet minuat, communius censem DD. cum Panormit. contra Hostiens. & Gonzalez, taliter extortam resignationem valere quidem, cum nullum Jus eam clarè irritans ostendi possit, rescindendam tamen esse propter allegata Jura. Non obstat, quod Electio metu extorta non valeat. c. 14. c. 43. de Elect. quia de hac id fatis clarè reperitur in Jure expressum, non de Renuntiatione vid. Leuren. p. 3. q. 703. Excipe tamen renuntiationem illius, quem Sæculares capti vel detinuti compulerunt ad renuntiandum; hæc enim renuntiatio nullius omnino firmitatis esse pronuntiatur Clem. 2. §. sanè de penit. Siquis tamen ex iusta causa à Superiore Ecclesiastico compellatur ad resignandum, non tantum valida, sed etiam firma est renuntiatio, ita ut rescindibilis non sit aut rescindenda, v. g. si compellatur propter scandulum infirmorum, alio modo non auferibile, propter irregularitatem beneficiati, in qua dispensari ordinariè non solet &c.

4 Dico 3. Resignatio, saltem ut licite fiat, requirit justam causam. c. 10. h. t. Const. quanta Ecclesiæ S. Pii V. tales causæ sunt debilitas virium,

de-

defectus scientiæ, malitia plebis suo Præfuli se opponens &c. Respectu Episcopi voluntas ingrediendi Religionem per se non est sufficiens causa, nisi nempe vel in periculo salutis propriæ propinquo se videret, vel alium Ecclesiæ utiliorem fore. Respectu inferiorum beneficiorum sufficiunt causæ minores, & ferè quælibet teste experientia in Germania.

Dico 4. Resignatio beneficij, non litigiosi, & in quo quis jam obtinuit jus in re, ut valide fiat, ordinatiè requirit consensum legitimi Superioris, seu fieri debet in manibus Superioris. c. 4. c. 8. h.t. c. 7. de consuetud. quia res, per quas causas nascitur, per easdem & dissolvitur. c. 1. de R. J. Dixi 1. in quo quis obtinuit jus in re; nam jus ad rem, ex electione vel præsentatione quæsumum, dimittere sine consensu Superioris nemo prohibetur. 2. Ordinariè; nam beneficium Episcopatu inferiorius resignari ex causa Religionis ingrediendæ potest sine consensu Superioris. per c. 10. cit. Demum 3. legitimi Superioris, qui respectu renuntiationis puræ & simplicis est ille, penes quem est potestas instituendi, & destituendi seu deponendi beneficiatum, uti est Episcopus, & Sede vacante Capitulum: non verò Vicarius Generalis sine speciali mandato. c. 2. de offic. Vicar. in 6. Respectu autem renuntiationis conditionatæ, scilicet *in favorem* (item cum reservatione *accessus*, *ingressus*, *regressus*) spectato Jure Communi solus Pontifex; nam renuntiatio *in favorem* prohibetur c. 1. de confess. præb. eo quod ibi prohibetur collatio beneficij, antequam vacet: sed beneficium, quod resignatur *in favorem*, nondum vacat, quia resigna-

tur sub conditione, si conferatur certæ persona
quæ conditio nondum est impleta, quando fu-
resignatio. Si dicas, talem resignationem non
fieri sub conditione, sed *sub modo*, ut confer-
tur certæ personæ, vel sub conditione *de pra-
senti & jam impleta*, si velit collator conferre
certæ personæ. ¶ Hujusmodi pactiones, per
quas imponitur obligatio in materia beneficiali,
alibi in Jure Communi, in quo inferior Pontifice
nihil potest, esse prohibitas, nempe *c. fin. de Pa-
tis.* Accedit, quod Jura detestentur speciem ha-
reditariæ successionis in beneficiis. per. *c. 1. de
Præb.* qualis species sœpe daretur, si liceret in
favorem resignare; quia passim id fieret in favo-
rem consanguineorum. Interim resignans co-
ram Episcopo potest huic certam personam com-
mendare, vel pro ea rogare. Reservatio au-
tem *accessus, ingressus, regressus* in beneficium
resignatum prohibetur in *Trid. sess. 25. c. 7. de
ref.* & in *Constit. S. Pii V. anno 1571. edita*, que
incipit *Romani Pontificis.* Quid Episcopus pos-
sit circa reservationem pensionis aut fructuum,
quam facit resignans, dicetur ad *tit. 12. lib. III.*

6 Dico §. Quamvis in *Reg. Cancell. 34. & Conſt.
Humano vix judicio Greg. XIII.* resignatio bene-
ficiorum publicari deberet certō modō, & cum
certis solemnitatibus; eas tamen consuetudo in
Germania vel nunquam admisit, vel rursus per
non-usum abrogavit.

TITU-